

中國歷代畫史匯編

中國歷代畫史匯編

(8)

歷代畫史彙傳卷四十三

〔金〕李仲略字簡之澤州高平人晏子太定己亥詞賦進士官至山東東西路按察使山水稱妙宗米氏雲峰性豪邁有父風剛介特立不附權貴臨事明敏無留滯所任以幹濟稱進言救未正本所謂本者厚風俗去冗食養財用充經文讀卷官上問有司以謂經義不若詞賦請罷之何如奏曰經乃聖人之書所以適用非詞賦比乞自今以經義進士為考試官庶得碩學之士可其言泰和乙丑卒贈朝列大夫諡襄獻金史本傳 圖繪寶鑑

李 早明昌間人人物甚佳兼工樹石及畫馬金原六葉明昌全盛政似宣和寶書玉軸充內府時以之方龍眠 圖繪寶鑑 畫史會要 侯菴集

李 通字平甫自號寄菴老人樂城人少擢第有能聲南渡授東平府治中後致仕居釣臺工山水龍虎入妙品工詩 圖繪寶鑑 畫史會要 歸潛志 中州集

李 解字公渡自號六峰居士相州人官京兆轉運使得畫法於王庭筠趙秉文字畫之外兼工詩年六十餘終 圖繪寶鑑 歸潛志

李元素熙宗時人善畫 圖繪寶鑑 畫史會要 繪事備考

李仲華善湍流高樹 圖繪寶鑑 畫史會要

李漢卿東平人工草蟲 圖繪寶鑑

李 山官秘書監作風雪松杉圖用筆瀟灑精絕有致出蹊徑外 弇洲山人集 彭氏家

珍錄

(元) 李 衍字仲賓號息齋道人薊邱人拜集賢殿大學士浙江行省平章政事追封薊國公諡文簡古木竹石庶幾王維文同高致著色者師李頗 圖繪寶鑑 滋溪集 松雪齋

集 禮部集

李士行字遵道衍子官黃巖知州歌詩字畫悉有前輩風致竹石得家學而妙過之尤善

山水 圖繪寶鑑 滋溪集

李仲芳與衍同時善戲墨 養蒙集

李澄叟湘中人自幼觀湘中山水長遊三峽夔門或水或陸盡得其態寫之水墨甚有妙

悟作山水訣一卷 畫史會要

李 有先名立義字仲芳燕人官兩浙鹽運使經歷古木竹石筆意高遠作者推服通雅

博洽尤工古隸 圖繪寶鑑 畫史會要 書史會要

李 倜字士宏號員嶠真逸河東太原人官至集賢院侍讀學士墨竹宗文同好學尚氣

劬神苦思務求博洽而後已以好書名天下稍暇則取右軍帖縱筆為之 圖繪寶鑑

鐵網珊瑚 剡源集

李 章字君章東平人晚年墨竹有高致性通簡書法可尚 書史會要 圖繪寶鑑

李 升字子雲號紫笈生濠梁人畫墨竹能窠石平遠 圖繪寶鑑 畫史會要

李容瑾字公琰界畫山水師王振鵬 同上

李士傳字仲芳薊邱人山水人物學伯時尤善倣徽宗墨戲 同上

李 冲字用之山水學李成荆浩 圖繪寶鑑

李希閔字之孝薊邱人畫山水竹石 圖繪寶鑑補遺

李進臣號綢齋有南宸草亭圖 蒲順齋集

李肖巖善傳神 同上

李兼善善山水 俟菴集

李中明邵武人工山水為鄉人張鎮成所推 福建通志 閩書

李 康字甯之桐廬人書畫琴奕冠絕一時事母孝人稱孝子工書文行省宰臣欲官之
以母老辭 畫名家錄

李 立吳人多效小李將軍 吳中人物志

李士安至正間人山水學董元 書畫史

李道行古魏人山水學郭熙 同上

李師孟山水學巨然 同上

李 端字彥章山水學李成郭熙 同上

李良心古魏人山水宗二米同上

李通善畫寓意編

李箕橋字仲和號雪村崑山人善墨竹圖繪寶鑑

李山陽信人以畫著名落筆如有神助酒酣縱筆揮灑煙雲萬狀人求之瞪目不應濟南府志

李道士佚其名居南岳善畫龍翠寒集

明李克雋為丘曾善墨竹槎翁集

李元中洪武時善墨竹丹崖集

李福智善釋道人物可繼上官伯達圖繪寶鑑續纂

李時字居中北京人畫宗北苑畫史會要

李煥字純正號十洋長樂人畫龍虎以能詩稱閩畫記

李明遠善菊花明書畫史

李子安常熟人善傳神常熟縣志明書畫史

李文奎子安子工寫照常熟縣志

李躍文奎子能世其業同上

李芳雲中人能寫照明書畫史

李 彬字文中四明人工寫意人物 畫史會要

李 在字以政由莆田遷雲南行取來京宣德時與戴進同直仁智殿山水細潤處宗郭熙豪放處宗馬夏自戴進以下稱一八面生動四方重之 福建通志 杭州府志

志 閩畫記 畫史會要 無聲詩史 圖繪寶鑑續纂

李 叔義字文宜閩人為廣昌訓導終貴州僉事善丹青工書 閩書

李 麟字次公鄞人善白描作佛像下筆如蓴草用蕉墨而不覺其枯眉目麤而不覺其重尤長寫貌自署龍眠後身 畫髓元詮 無聲詩史 甯波府志 圖繪寶鑑續纂

李 芳蓀南滙人人物通經史年八十外 南滙縣志

李 著字潛夫號墨湖金陵人童年學畫於沈周每倣吳偉筆善山水人物花木翎毛 圖繪寶鑑續纂 無聲詩史 金陵瑣事

李 葵字誠伯上元人正德庚午舉孝廉見人繪畫輒能摹倣百物象貌無不曲盡 無聲詩史 金陵瑣事

李 景字光遠號柯耕衢之西安人授禮部司務松竹有過庭章張廷端筆意工楷書 畫史會要 圖繪寶鑑續纂 無聲詩史

李 陽字海逸長垣人嘉靖中省祭官精畫理工翎毛 長垣縣志

李 源字小山又號松山上杭人工翎毛山水作風雨歸舟圖筆氣瀟灑 上杭縣志 閩

畫記

李宗謨號小樵又號古枰子永安人與董其昌同時工人物寫山水白描精緻秀雅

府志 閩書

李紹箕字懋承松江人為鴻臚寺序班後改江西都昌縣主簿從婦翁顧正誼學畫山水

運筆蒼老

松江志

李開芳字伯東號還素人稱鵬池先生閩永春人萬曆癸未進士授部曹遷南京太僕歷

兩廣藩臬遊戲山水氣韻風生書法不減素師著天風堂集

福建通志

書史會要

李存真金陵人山水草樹骨法不凡為能品

江甯府志

李士達號仰槐

無聲詩史作仰懷

吳人人物山水氣韻天然萬歷間隱居新廓碧瞳秀腕舉體欲

仙其論山水有五美云蒼逸奇遠韻五惡云嫩板刻生痴人謂深得畫理

吳縣志

無

聲詩史

李芳字繼泉號湘洲泰州人嘉靖乙丑進士為給事中山水宗文待詔

畫史會要

李驥字次德麟之弟與兄藝同嘗渡錢塘負擔者櫻其行李而去跡之無所獲乃想其

貌而圖揭於道同侶見而笑曰某也果得一時傳聞絕倒

甯波府志

李郡字士牧工人物士女為王世貞許可

崑新合志

無聲詩史

李西山曾繪古木圖

明書畫史

李孔修字子長廣東順德布衣自稱抱真子僑居省城觀眺山水歸必圖之畫貓辟鼠所
寫禽鳥嘗遇火輒見其從煙火中飛去作詩寫字自為一家好周易與陳獻章游破廬
敗甌疏食不贍未嘗出戶或去遠近環視以為奇物兒童婦女皆稱子長先生渭崖集
嶺南詩選

李日華字君實號九疑嘉興人萬曆壬辰進士由制科仕至太僕少卿畫亞於董文敏詩
文奇古妙於書精鑒賞張江陵竊柄彗星見下詔求言日華方十歲竊為應詔疏論陵
十罪見者咋舌光宗登極呈四款以佐新政為人和易安雅恬於仕進嘉靖乙丑生崇
正乙亥卒年七十有一著官制備考姓氏譜纂樞李叢談書畫想像錄紫桃軒雜綴畫
媵諸篇明史王惟儉傳 圖繪寶鑑續纂 無聲詩史 竹嬾畫媵 甯波府志

李石樓為太守寫竹有書法庸菴集

李肇亨字會嘉號珂雪又號醉鷗日華子精畫理片楮尺幅如珙如珙如璧書善篆褚嘉興縣志
顯頌集

李流芳字長蘅號檀園嘉定人居常熟萬曆丙午舉孝廉再上公車絕意進取山水清標
寫生出入宋元逸氣飛動為人孝友誠信外通而中介少怪而寡可與人文落落穆穆
不為翕翕然磨切過失周旋患難傾身歷膚無所縋避家貧資修脯以奉母稍贏則以
分窮交寒士視世之豎立崖岸重自表暴者不啻欲唾棄之詩持澤在詩州香山間書

法東坡時雪漁何震以印章著稱流芳戲做之遂為方駕真敏而多能也萬曆乙亥生
崇正己巳卒年五十有五著檀園集四明謝三賓知縣事合唐時升婁堅程嘉燧稱嘉
定四君子云 明史唐時升傳 明史藝文志 圖繪寶鑑續纂 無聲詩史 蘇州名
賢畫像冊 容臺集

按圖繪寶鑑續纂作常熟人誤

李杭之字僧筏流芳子畫似其父 詩集小傳

李永昌字周生休甯人 無聲詩史 新安人 畫做元人書宗董氏守藏稱富有詩四卷名曰畫響音

調清越皆闡揚畫理者 徽州府志 無聲詩史

李標銅仁人工山水能詩性耿介身居寺觀別無他嗜日以揮毫彈琴自娛 貴州通志

畊硯田齋筆記

李仲芳麟子能紹父藝 同上

李茂枝永安諸生放情詩酒喜寫墨蓮尤精人物人謂道子復生 延平府志

李辰 圖繪寶鑑續纂 續纂作宸 字奎南四明人工翎毛 圖繪寶鑑續纂 畫史會要

李良字痴和閩中人善畫真蹟罕見 同上

李遜字清之江都人善畫 同上

李士實南昌人曾為右都御史善畫工詩以附宸濠伏法 無聲詩史

李 萼麟從子得其傳亦工寫生甯波府志

李 奇字正夫光澤人恩貢授教諭書畫並佳詩清新別致文章粹然有先正風格士多師事焉素履清潔溫恭之度使人可挹蓋篤行君子也光澤縣志

李元達晉江人善寫竹閩書

李鍾衡晉江人有畫譜作翎毛花石生趣非一狀呂健稱其神腕工詩文泉州府志

李 赤福安人善書畫出遊繪思親望雲圖搢紳重之福安縣志

李遇陰善書閩書

李猷山失其名泰州人善畫筆力甚老以澹墨致勝年八十猶能山水人物花卉禽魚一抹立成不假修飾建昌益王甚重之性亦樸實邵武府志

國朝李文纘字紹武靳人以諸生薦授兵部郎中善畫與詩書稱三絕遨遊四方以老結埼亭集

李 蒞字山顏原名允升鄞人山水草蟲下筆有神詩亞文纘兩浙名畫記甬上續耆舊集

李 穎字箕山泰州人焦筆山水氣健而雅圖繪寶鑑續纂 羅浮草堂集

李念慈字屹瞻涇陽人順治戊戌進士為景陽知縣詩畫皆擅時名新城志 漁洋集

李 藩字介人華亭人善山水人物圖繪寶鑑續纂

李 根字雲谷侯官人畫有遠致佛像極靜穆之致工詩小楷得晉魏遺意精篆籀之學

圖章通泰漢註廣金石韻府 讀畫錄 印人傳

李采石許儀舅氏儀師其法 讀畫錄

李玉品江夏諸生墨竹生動有致 圖繪寶鑑續纂

李琪枝字雲連號奇峰日華孫邑庠生工畫傳家墨梅墨竹與太倉王氏鼎足江東焉 書

徵錄 曝書亭集

李含漢字南溟琪枝子山水濃郁豐潤與周熙載同應靳文襄公輔之聘繪黃河圖進呈

稱 旨兼長花卉草蟲 畫徵錄 畫識

李含淑含漢兄善畫

李含澤含漢弟善畫

李含涎含漢弟善畫 俱詳畫徵錄含漢傳

李嶧字孔嚴山陰人蘭竹巨幅小景瀟灑生動兼善花鳥山水筆意高妙深得宋元神

境圖繪寶鑑續纂

李希喬字遷于號石鹿山人歙人長於竹石人物工篆刻鈎勒法帖斷竹鏤刻如寫生稱

絕技 施愚山文集

李華國字西池號竹溪老人江陵人康熙初武探花師徐鼎山水名於時性情樂易卒年

九十餘 畫徵續錄郭士瓊傳

李能白字紅友鄞人工山水兼士女鄞志

李繼字亦山號秋池老人安陸人山水多水墨評者在王翬下顧昉上浙撫曾以其畫

進呈御覽喜吟咏郡守察其孝友著鄉里以賢良方正薦竟不赴卒年八十有七著

有晚秋書屋快雨山房邗上豫章諸集鍾祥縣志 畫徵錄 庚子書畫評

李為憲字匡吉號巨山以旌德廣文擢通許知縣王原祁甥法從舅氏一時有王李金曹

四弟子之目蓋謂王敬銘金明吉曹浩修與李也原祁染翰禁廷上詢代筆者以

為憲對蒙獎賞不置居官時盜息圖虛有神君之號崑新合志 玉峰新志 畫徵

錄王原祁傳

李又孫字雪叟鎮洋諸生畫師營邱書法懷素性亦高雅鍾祥縣志

李昌字爾熾號謹菴仁和人康熙庚午孝廉花鳥草蟲如生有致圖繪寶鑑續纂

李棟字吉士號松嵐高郵人圖繪寶鑑續纂作字吉士興化人康熙壬午舉順天孝廉工小李將軍法

少穎異性孝友為人豐頤厚體粹品兼才所著詩文甚富又善篆隸高郵州志 圖繪

寶鑑續纂

李栻字楷士號嬾真棟弟邑庠生善畫性恬淡不慕榮利精隸書含如古今人服其高

致高郵州志

李觀曾字泰巖號竹逸老人景州人候補部曹書畫皆宗米氏法已山先生文集

李恆修鍾祥諸生點染烟霞胸無塵濁鍾祥縣志

李崧字靜山號芥軒無錫人花蘊蘆雁時露天倪先後與其妻吳及繼配薛隱居肅傲

涇相傳梁鴻棲隱地也伉儷間自相倡和於名利泊然其詩簡遠淡泊至有真味年八

十餘目盲猶口占詩令其孫書之有浣香詞無錫縣志 歸愚文鈔

李應捷康熙戊子修邑志延捷繪邑乘諸圖鉅野縣志

李炳旦字震男棟子康熙乙未進士平遠山水直追摩詰詩宗蘇陸書類吳興都人稱三

絕高郵州志

李泰字佐民如皋人曾繪七寶瓔珞金粟如來妙相如皋縣志

李鰾字宗揚號復堂興化人康熙辛卯孝廉授滕縣知縣花鳥學林良不拘繩墨多得

天趣畫徵錄 鄭板橋集

李岸字新之雲間人善花卉人物尤工寫照兼得嘯旨高山吐音巖谷俱響圖繪寶鑑

續纂 樓亭詩集

李庚字長白侯官人善山水草蟲圖繪寶鑑續纂

李良佐字癡和閩縣人善寫真工蘆雁同上

李紹字承方華亭人畫宗大痴之筆同上

李曄字白臣湖州人山水師關思同上

李世倬字漢章號穀齋三韓人隸漢軍籍高其佩甥仕為副都御史山水人物得指授於王翬馬逸而取法於吳道子花鳥果品得舅氏指墨而易以筆故各臻其妙曾於奏事時特命就臯塗精舍圖御製詩意稱旨褒獎時以為榮工詩
熙朝名畫續錄
熙朝雅頌集 畫徵錄 讀畫閒評

李穀字璞新安人初以張珏著名江右別開生面至經年或作一幅圖繪寶鑑續纂
畊硯田齋筆記

李山錢塘人善指頭畫畫徵續錄朱倫瀚傳

按所見李山字紫琅林木清奇古勁馬得骨得肉均有古法或疑為金李山之筆然弇州山人集中嘗云金李山祇有風雪松雪松彬圖今畫馬者當是錢塘李山也

李序韓字源漢漢陽人善花鳥
湖廣通志

李美字景仙工人物尤善馬
延平府志

李治運字富人號漪亭吳江人雍正庚戌進士授刑部主事安徽浙江按察使寫蘭得子昂法有總戎某參劾大臣事尚書以下皆欲置某重典治運力援正律事得平反督學山東每試士必手著一篇以示程式在安徽則嚴禁强悍民懷吏畏之浙江必審辨情實與可矜者又為海口立法稽查船隻出入浙東嘉湖水旱道路游匪必嚴詰以安行旅而巡撫某竟劾其迂緩沽名遂以養母乞歸與二三友朋以論文說詩為樂康熙庚

寅生乾隆辛卯卒年六十有二有漪亭集

袁枚撰墓表

江甯續志稿

延平府志

李方膺字虬仲號晴江又號秋池江南通州人雍正時以諸生保舉為合肥縣松竹梅蘭

及諸小品不守矩矱筆意在青藤竹憨之間尤長大幅有士氣居仕途明吏術凡休戚

國利民生遺老嘉言俱能津津言之居官有惠聲

畫徵續錄

書畫紀畧

小倉山房

文集

李增泰孫克荷家學復參北苑乾隆庚午修邑乘延繪圖馬

如皋縣志

李年莆田人康熙己酉武科工書畫

莆田縣志

李長熙字師禹號天倚永安人工繪事善書法其擘窠大字尤佳人亦謹樸當代重之延

平府志

李應熊長熙弟邑庠生承其藝

同上

李萬山仙遊人工寫照一日方攜牋出門適新縣令彭之曇來請謝以事不應徑入前令

蕭系閣館中曰願為公寫照數筆極肖蕭贈以物不受噉數荔而去

仙遊縣志

李清冕字嘯梅安溪人寓居郡城足有疾人稱拐仙工書畫嘗為人作花籃百幀花瓶百

幀各插奇花異卉鮮麗奪人一時稱絕又喜吟咏

閩雜記

李立志字安禮常熟人善寫竹

虞山畫志

李崇字杜詩常熟人工人物早卒

同上

李樹穀字季方號東川晚號方翁夏邑人乾隆辛卯孝廉為祁陽知縣寫山水寥寥數筆自足生趣篆刻直逼秦漢詩亦氣清詞正居官有惠聲去則兩袖風清賣研以食有東

川集 懷舊集

李通理字位清崇明老宿工寫蘭竹學問深邃行誼高潔

墨香居畫識

李倫字志良號笏溪生婁縣人山水人物花卉善寫真乾隆乙巳卒

同上

李巖字築夫號南山青浦人初業漆工為人綵繪精巧過人得值倍於常工悔云吾瘁心力徒供俗子玩耳名烏能傳吾十指自有所托改學畫善寫真人物花鳥尤長棧道及驢馬之屬用墨濃密名噪一時

墨香居畫識 明齋小識

李三畏字吉六號柏阜海門人墨竹清灑可愛設色山水工雅淹潤及墨龍香火畫人多藏弄以為榮談古今逸事能傾座客居青浦數月潤筆不乏一夕被偷兒罄盡笑曰我正厭阿堵物此賊正是知己耳

同上

李振揚字少雲泉州人山水如入詩意

墨香居畫識

李秉德字蕙紉號涪江自稱龍池山人吳諸生以獻畫供奉內廷得官鹽場善山水花卉賦色鮮麗疎老秀逸迥非尋常畫流所及乾隆丁巳生嘉慶

卒年七十有

同上

李祥鳳號曉江太倉人乾隆時孝廉工山水

同上

李敬謨字思耕江南通州人鈎勒花鳥蟲魚頗推雅妍善行草工詩

同上